

**UGOVOR O NABAVCI
USLUGA KOLEKTIVNOG OSIGURANJA ZAPOSLENIKA
MUP-a KANTONA SARAJEVO**

Ugovorne strane:

1. MINISTARSTVO UNUTRAŠNJIH POSLOVA KANTONA SARAJEVO, La Benevolencije br. 16, kojeg zastupa ministar mr. Ismir Jusko, (u daljem tekstu: Ugovarač osiguranja)

2. TRIGLAV OSIGURANJE DD SARAJEVO ID broj: 4200247470003, ul. Dolina broj 8 kojeg zastupa direktor osiguranja Edib Galijatović dipl.ecc, (u daljem tekstu: Osiguravatelj)

Član 1.

Predmet ovog ugovora je pružanje usluga kolektivnog osiguranja zaposlenika Ministarstva unutrašnjih poslova Kantona Sarajevo, za slučaj smrti usljed bolesti, smrti usljed nezgode i trajne invalidnosti, a u skladu sa tenderskom dokumentacijom i ponudom Osiguravatelja, broj 08-10006/19 od 15.07.2019. godine, koja čini sastavni dio ovog Ugovora, a u skladu sa okvirnim sporazumom broj 01-14-4-3367-4 od 20.09.2019. godine.

Član 2.

Ukupna vrijednost Ugovora iznosi 12.600,00 KM slovima: dvanaesthiljadašeststotina i 00/100 KM).

Ugovorena premija osiguranja iznosi 3,00 KM mjesečno po svakom zaposleniku Ugovarača Osiguranja.

Ugovorne strane saglasne su da za osigurane sume navedene u tabeli ispod, iznos mjesečne premije osiguranja za 350 zaposlenika iznosi 1.050,00 KM.

R. br.	Osigurani slučaj	Osigurane sume po zaposleniku u KM
1.	Smrt usljed bolesti	5.000 KM
2.	Smrt od nezgode	35.000 KM
3.	Trajni Invaliditet	65.000 KM

Ukupno ugovorena premija osiguranja na godišnjem nivou za 350 zaposlenika Ugovarača osiguranja, u vrijeme zaključenja ovog ugovora, iznosi: 12.600,00 KM (slovima: dvanaesthiljadašeststotina i 00/100 KM).

Član 3.

U skladu sa odredbama Zakona o PDV-u, usluge osiguranja su oslobođene plaćanja PDV-a. Osiguravatelj se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog Ugovora pružati usluge kolektivnog osiguranja zaposlenika Ugovarača osiguranja.

Član 4.

Ugovaratelj osiguranja će ugovorenu cijenu plaćati mjesečno (u 12 rata) Osiguravatelju u roku od 30 dana po ispostavljenoj fakturi.

Član 5.

Za osiguranje zaposlenika Ugovaratelja osiguranja od smrti usljed bolesti, smrti usljed nezgode i trajnog invaliditeta, Osiguravatelj će izdati Ugovaratelju osiguranja posebnu policu osiguranja, a u skladu sa ovim Ugovorom.

Polica o osiguranju, iz prethodnog stava, čini sastavni dio ovog ugovora.

Član 6.

Sve promjene broja osiguranika će biti prijavljene osiguravajućoj kući u roku od 10 dana od dana nastanka promjene po bilo kom osnovu - osiguranje pokriva period od dana nastanka promjene, a ne od dana dostavljanja obavijesti. Osiguranje obuhvata nezgodu na poslu i van posla, punih 24 sata dnevno i 7 dana sedmično bez teritorijalnog ograničenja. U slučaju da se desi osigurani slučaj Osiguravatelj je obavezan na isplatu punih osiguranih suma za smrt usljed bolesti i smrt usljed nezgode, definisanih u ovom obrascu. Osigurana suma za invalidnost i tjelesne povrede isplaćuje se u procentu koji odgovara procentu invaliditeta i vrsti povrede, u skladu sa uslovima za osiguranje lica.

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obavijestiti drugu stranu o nastanku nepredviđenih okolnosti odgovarajuće dokaze. Osiguravatelj se obavezuje da će usluge pružati u skladu sa zahtjevom Ugovarača osiguranja i da će odmah postupiti po eventualnim primjedbama Ugovarača osiguranja u pogledu nedostataka na ime kvaliteta izvršene usluge.

Ugovarač osiguranja je dužan dostaviti pismeno obavještenje o svakom propustu Osiguravatelja. Ugovarač osiguranja će utvrditi razuman rok za ispravak propusta Osiguravatelja u smislu izvršene usluge.

Član 8.

Rok isplate osigurane sume ne može biti duži od 15 (petnaest) dana od dana prijave osiguranog slučaja sa kompletnom dokumentacijom, u skladu sa Zakonom i uslovima za osiguranje lica.

Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

Član 9.

Osiguravatelj se obavezuje Ugovaratelju osiguranja slati mjesečne izvještaje o realizaciji, koji treba sadržavati podatke o2 prijavljenom osiguranom slučaju, podatke o toku postupka, te isplaćenim osiguranim sumama.

Osiguravatelj će izvještaj iz stava 1. ovog člana slati kao prilog uz ispostavljenu fakturu iz člana 4. ovog ugovora.

Član 10.

Ugovor se zaključuje na period od godinu dana, počev od dana 21.09.2020. u 00.00 sati zaključno sa istim datumom 2021. godine u 24.00 sati.

Član 11.


Eventualno nastale sporove pri realizaciji ovog ugovora, ugovorne strane će rješavati sporazumno, a ukoliko to nije moguće, utvrđuje se nadležnost Općinskog Suda u Sarajevu.

Član 12.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 13.

Ugovor je sačinjen u 4 (četiri) istovjetna primjerka, od kojih Ugovarač osiguranja zadržava 2 (dva), a Osiguravatelj 2 (dva) primjerka.



Edib Galijatović, dipl. ecc

Broj: 08-10639/20
Datum: 20.09.2020. godine



Ministar
Ismir Jusko
Broj: 01-11-4-3367-6
Datum: 20.09.2020. godine